

Vnd sie gieng bald hinein mit eyle zum Könige / bat /  
vnd sprach: Ich wil / daß du mir gebest jetzt bald auff ei-  
ner Schüssel das Haupt Johannis des Teuffers.

Der König ward betrübet / doch vmb des Endes  
willen / vnd dere / die am Tische saßen / wolte er sie nicht  
lassen eine Fehlbitte thun. Vnd bald schickte hin der Kö-  
nig den Hencker / vnd hieß sein Haupt herbringen. Der  
gieng hin / vnd enthäuptet ihn im Gefängniß / vñ trug  
her sein Haupt auff einer Schüssel / vnd gabs dem  
Mägdlein / vñnd das Mägdlein gabs ihrer Mutter.  
Vnd da das seine Jünger höreten / kamen sie / vnd na-  
men seinen Leib / vnd legten ihn in ein Grab.

**D**er Apostel Petrus in seiner ersten Epistel am  
vierdten Capitel v. 17. vermeldet / daß an dem Hause  
Gottes das Gerichte anfahe: das ist: Gott lasse auff  
fromme Leute das Creuz kommen / Wie auch Gott  
im Propheten Jeremia am 25. Capitel v. 29. redet:  
Sihe / in der Stadt / die nach meinem Namen genennet ist / sahe ich  
an zu plagen. Vnd im Propheten Heseckel am 9. Capitel vers. 6. heist  
Gott anfahe zu schlagen am Heiligthumb. Solches ist zu sehen an  
dem Creuz der heiligen Propheten / Apostel vnd Märterer / die Gott  
als heilige vnd fromme Leute / ohne Trübsal in dieser Welt / nicht hat  
seyn lassen. Welche weise Gott auch noch helt / daß er gäubige Men-  
schen vnter das Creuz vnd Verfolgung sencket. Drumb Sprach am  
andern Capitel v. 1. & seq. vermahnet: Mein Kind / wiltu Gottes  
Diener seyn / so schicke dich zur anfechtung / halt feste / vnd leide dich /  
vnd wancke nicht / wenn man dich davon locket. Halt dich an Gott /  
vnd weiche nicht / auff daß du immer stercker werdest. Alles / was dir  
widerfehret / das leide / vnd sey gedültig in allerley Trübsal. Denn  
gleich wie das Gold durchs Feuer: Also werden die / so Gott gefallen /  
durchs Feuer der Trübsal beweret. Heute werden wirs auch hören  
bey dem erbärmlichen Gefängniß vnd vnschuldigen Tode des gewal-  
tigen Mannes / vnd eyfrigen Predigers Johannis des Teuffers. Er  
lehrete vnd vnterrichtete das Volck fleissig / er teuffete / vnd vermahne-  
tetrewlich zur Busse. Er fährte einen heiligen vñnd vnstrefflichen  
Wandel: Noch wird er so jämmerlich hingerichtet vnd getödtet.

Dannit wir nun die Historiam seines kleglichen vñnd vn-  
verdienten Todes auff diese Zeit fruchtbarlichen handeln mögen /  
wollen

Parasceve  
soncionis,  
Iudicium &  
castigatio-  
nem divi-  
nam à do-  
mo Dei in-  
cipere.